

明史攷證攬逸

九三



百衲本二十四史

明史攷證擴逸

四部叢刊史部

上海涵芬樓據
吳興劉氏嘉業
堂校刻本影印

四庫全書總目明史三百三十六卷本紀二十四卷志七十五卷表十三卷列傳二百二十卷目錄四卷乾隆四年告成簡明目錄明史三百六十卷大學士張廷玉等奉敕撰經始於康熙十八年至乾隆四年告成其中考究未詳者近又承命刊正今謹以新定之本著於錄案今通行明史皆三百三十六卷絕無三百六十卷之本不知簡明目錄所謂新定本者何若何年承命刊正也及讀王祭酒先謙東華續錄乾隆四十年五月甲子諭明史內於元時人地名對音譌舛譯字鄙俚如圖作爲免之類旣於字義無當而垂之史冊殊不雅馴今遼金元史已命軍機大臣改正月刊明史乃本朝撰定之

書豈可轉聽其譌謬見在改辦明紀綱目著將明史一併查改以昭傳信又乾隆四十二年五月丁丑諭前因明史內於蒙古人地名音譯未真特命館臣照遼金元三史例查覈改訂並就原板扣算字數刊正其閒增損成文不過數字而止於原書體制無多更易茲閱所進籤之英宗本紀如正統十四年巡按福建御史汪澄棄市並殺前巡按御史柴文顯同時殺兩御史而未詳其獲罪之由又土木之敗由於王振挾主親征違眾輕出及敵鋒既迫猶以顧戀輜重不卽退軍致英宗陷身漠北乃紀中於王振事不及一語尤爲疏略所有明史本紀著英廉程景伊梁國治和珅劉墉等將原本逐一考

覈添修務令首尾詳明辭義精當仍以次繕進候朕親閱鑒定重刊頒行始知明史於元時人地名曾經改譯本紀亦經增修然志表傳之修改與否無明文可據也嗣讀武大令億授堂文鈔與萇喬菴書有在都爲友人校官書閱及忠義傳考證之語方知明史有考證求之數年不能得以詢朋好亦絕無知之者光緒丙戌段得劉君嶽雲所臨邵比部懿辰簡明目錄評本稱在方略館時見乾隆末年改定明史僅列傳百數十卷中多籤改繙譯人名地名間引他書籤改本文似未曾改刊此目所云新定之本或卽此本但列傳卷數並無分合豈添列三藩事蹟增多二十四卷歟須得閣本對勘方釋

此疑

案邵比部云乾隆末年改定又云僅百數十卷皆係約略之詞未經考實

余竊心識之

丁亥秋入直樞院卽屬館中令史張大誥物色是書果得藍面冊明史自卷一百十六至卷三百三十二

闕卷一百

五十九凡二百十六卷列傳首尾略具案語用黃籤黏書

之上方人地名改譯及修改字句處用黃籤黏原文之上惟年久受潮溼黏籤斂落甚多且有黴爛成塊未堪揭動之葉余屬張令史悉心逐寫僅得什之泰八此卽邵比部所見進呈本蓋當時奉丁丑詔書以次繕進故卷面書臣某官某某恭校卷中黏籤皆黃也繼又得藁本四十餘卷卷面題總裁英閱總裁于閱總裁錢閱及纂修官黃輯宋輯協修官嚴輯章輯羅輯等字案語與

進呈本略同閒有爲總裁所刪者則進呈本不錄最後
又搜得正本三巨冊自卷一百十八至卷三百二十八
闕卷二百五十二至二百五十六凡二百六卷每卷題明史卷幾考證

意在分附明史各卷之後故析卷皆同每條稱臣某某
案亦與他史考證同式以上二本皆邵比部所未見張
令史得之牆壁之間故多爛脫三本皆祇列傳無紀表
志彙本進呈本不及正本之完葡然亦有彙本考訂郅
塙而進呈本刪去者有彙本進呈本俱有而正本不錄
者且有案語絕無發明而列入正本者良由官書成於
眾人之手荃茅同處拳擇不精又其時總裁諸公無淹
雅鴻朗之才故去取未能悉當是書總裁原派尙書英

廉程景伊梁國治侍郎和珅內閣學士劉墉續派大學士于敏中侍郎錢汝誠纂輯則宋銑劉錫嘏方燁黃壽齡嚴福羅修源章宗瀛凡七人銑吾吳吳縣人乾隆二十五年進士由編修出知湖南衡州府錫嘏順天通州人乾隆三十四年進士由御史官江南河庫道著有快晴小築詞壻孫爾準刻之屬楊芳燦爲序見芙蓉山館文鈔燁安徽定遠縣人壽齡江西新城縣人皆乾隆三十七年進士燁官司經局洗馬壽齡官編修福亦吳縣人修源湖南湘潭縣人宗瀛浙江會稽縣人皆乾隆四十年進士修源官侍講學士福宗瀛皆官編修改譯遼金元三史成於乾隆四十七年四月而明史考證告成

年月不可考今所存槁本題總裁于閱英閱者甚多于
文襄卒於乾隆四十四年十二月英文肅卒於乾隆四
十八年八月此書告成疑當在乾隆五十年以前也正
本卷第與今通行本明史同張令史續得卷三百十六
至卷三百三十二刊本考證一冊係初刊樣本中有黏
籤校改處其卷第亦與正本同當卽所謂新定本也惟
新定本雖有改譯有增刪合諸目錄四卷仍是乾隆四
年三百三十六卷之舊第與簡明目錄卷數不符蓋不
得閣本對勘終未易釋此疑耳余詳閱進呈本字句或
增或刪必於前後數行湊足字數故案語中每云以符
勻刻纂輯諸臣蓋謹遵聖諭就原板湊足字數藉省刊

刻之煩惟案刊本考證卷三百二十九三百三十俱云
卷內改譯各名過多難以增刪勻刻擬將全卷月刊則

亦未嘗無重刊之卷矣今殿本遼金元三史俱改譯

乾隆

四十七年以前印本人地名未改譯今不易得卷末附考證而明史獨否余懇

其湮晦故屬張令史將進呈本黃籤一一傳錄退直之

暇復取彙本正本參觀互證汰其文義複沓及空衍無

關宏愒者

如云某事某書無考及增某字刪某字以符勻刻之類

簿領眊暇作輟

靡常凡兩閱寒暑始克排比成書分卷四十有二題曰

明史考證攬逸昔邵比部僅見此書進呈本余又獲覩

彙本正本並初刊樣本雖皆爛闕不全斷壁零璣足資

采摭然非邵比部筆之目錄余不知訪求非張令史博

搜於塵網蝨蠹之餘亦無從綴錄成集二君之功皆未
可泯也光緒倉龍甲午辜月長洲王頌蔚識於京師宣
武坊南之醋章胡同

改譯人地名

明史人地名之改譯見乾隆四十年四十二年兩次諭

旨惟海內並未頒行是書清本凡改譯處均黏籤本字

之上雖年久不免脫落尙可考見什之八九人名則俺

答

改諳達

撻力克扯力克

俱改徹哩克

把當孩把當亥

俱改巴爾達噶

把孫巴孫

俱改博遜

吉囊

改農濟

小十王

改沙什王

滿罕歹

改瑪哈岱猛

克兔

改蒙克圖

辛愛

改錫林阿

把都兒

改巴爾圖

打來孫

改達喇蘇

煖兔

改諾

木圖

或改

炒蠻炒花

俱改綽哈或改綽滿

朶顏董狐狸

改朶顏董呼哩

長

昂

改長安

長禿

改察克圖

大嬖只

或改德特必濟或改大必濟

火落赤

改霍落齊或改

浩爾

火力赤

改浩爾齊

把漢那吉

改巴噶奈濟或改巴漢鼎濟

噶素

改博索

把伶

改巴朗

了都

改婁德濟

噶拜

改巴拜

昆都力

改昆都赫

打喇明

安兔

改達賚明安圖

東桂

改棟固

老撒卜兒

改婁徹伯爾

速把亥

改蘇巴爾

噶

滿五大

改莽達阿

卜失兔

改布色圖

小朗兒

改薩喇勒或

土昧

改圖

擺言太

改巴延

台或改

巴

噶雲

改布延

捨達大

改實

達鐵雷

改塔類

莊禿類

改章圖

切盡台吉

改齊勤

台吉或

七

慶台吉

改徹辰台吉

黑石炭

改哈斯坦

委正

改衛徵

拱兔

改恭圖

台周

改布延台吉

清佳努

改青諾爾

楊吉努

改楊諾爾

珠

以兒鄧

改伊

勒登

堵刺兒

改都喀勒

卜兒亥

改布爾噶

卜兒孩

改布爾噶

或

慌忽

太和

改鴻

趙鎖羅骨

改趙羅科

王台

改翁台

那林

李羅

改納琳博囉

克力蓋

改克喀該

小阿卜戶

改小布呼

土阿

改圖幹

猛可眞

改孟克章

老把都

改婁改老

巴圖

或

也坐

改葉磋

也臣

改葉沁

炒胡兒

改綽和爾

花大

改呼達

賴暈歹

改婁蘇岱

小歹青

改小岱青

沙賴

沙刺

俱改實刺

銀定歹成銀定歹青

俱改伊勒登達春

可卜列伯里宗塔兒

改總

塔阿大

改勒達

丙兔

改必圖

占柯

改章喀

乞炭乞台

俱改奇塔特

抽

扣兒

改楚庫爾

三兒台吉

改薩台吉

阿老丁

改阿喇

烏馬兒

改烏

瑪職馬祿丁

改智默羅丹或改札瑪魯迪音

定住鼎住

俱改鼎珠

揚輦眞珈

改嘉木揚喇勒智

汝納克

改儒

丑驢

改綽羅

哈立麻

改哈里瑪或喀利瑪或改噶

瑪干兒罵

改噶爾瑪

阿班歹

改阿岱

羅鐵

改魯台

劄巴堅

改參

札

巴置勒木

改或

劄實巴

改札巴勒

實鎖南堅

改參

嘉勒燦

或

嘉索諾木

端竹也

改伊實

班卓爾

改藏巴班卓爾

藏卜

班竹爾藏卜

俱改班珠爾藏布

領占竹

改凌戩珠或改琳沁札勒

劄實堅

改參

改札實

乳奴班丹

改日諾爾

法領占

改巴凌戩

花當

改和

通

爾火立達

改和

瓦刺灰

改鄂爾

眞金

改精吉木

陳埜先

改陳

察

罕帖木兒

改察罕特默爾

竹貞

改珠占

寬徹不花

改庫沁布哈

延安答

理

改場安達爾

延安答里

改延安特哩

楊完者

改楊諤勒哲依

達識帖睦

邁

改達什特穆爾

朶兒只班朶兒只巴朶兒只伯濟巴勒索

羅帖木兒

改博囉特穆爾

泰不華

改台哈布哈

擴廓帖木兒

改庫庫特穆爾

哈麻免哈麻圖

俱改哈瑪爾圖

完者都

改旺札勒圖或改烏哲勒圖

朗革歹

克達

改塔把

刺瓦爾密

改巴咱爾幹爾密

老的沙

改錫達

撈思監

斯白

改索珠

脫列伯

改圖魯卜

脫因帖木兒

改託因特穆爾

貌高

該

改摩阿

魯溫

改阿掄

豁鼻馬

改呼必勒瑪

馬合謀

改瑪哈木特

木馬黑木

俱改瑪哈穆特

完者帖木兒

改旺札勒特穆爾

曲出

改庫春

耳麻

改多爾瑪

柏帖木兒

改拜特穆爾

迭里彌實

改德爾密什

伯顏子

中

改巴延子中

伯家奴

改伯嘉努

達尼達思

改達尼斯達

定定

改鼎鼎

僧

住改僧石抹宜孫改舒穆厚孫改和普顏不花卜顏不

花俱改布哈延布哈布鍛納錫彰改濟農桑哥失里改桑噶拜泰古

唐改巴勒王可昂克俱改恩克阿失不花改阿什普顏帖木兒

卜顏帖木兒卜煙帖木兒俱改布延帖木兒不花鐵木

兒不花俱改特穆元禿蠻改約尼董丑漢改董忽哥赤

郭齊達里麻改達達的改託驢兒改魯納哈出那哈朮

俱改納忻都改錫脫因改託慶童改慶迭兒必失改德

什樸賽音不花改富森賽滿川改穆乃兒不花改爾

阿魯帖木兒改阿魯也速改伊慶生改齊阿魯灰改阿

爾輝或改阿劉帖木劉帖木兒俱改劉沙不丁改沙布上都

罕達哈改沙愛猷識里達臘改阿裕錫哩達喇或買的立八

刺哩巴改密迪蠻子哈刺章改曼濟陳安禮改陳朶朶失里

改託克答海改塔何鎖南改何索諾伯顏帖木兒改巴

穆爾或改巴別里哥改伯克久通改覺脫脫不花改託克

阿昌失納改阿察脫火赤改託愛足改按帖里帖木兒

改託里禿堅不花改圖卜寶忽丁改布蠻子海牙改曼

上都驢改上都羅或長加奴改昌乃刺吾改篤拉

拉探馬赤改特觀童關童改俱木華黎改呼失刺罕改實

喇鎖納兒改索哈者舍利改哈札拜住改拜阿思蘭改

爾薩也兒吉尼改額爾韓札兒改哈札噶爾或火兒忽

答改哈喇哈達或哈海改哈僧家奴改僧小鎖兒改小

盧伯顏改盧兀不台兀卜台俱改鄂封帖木改彭特乞

失迦改切實嘉哈兒魯改哈喇婁脫古斯帖木兒脫古思帖木兒

俱改特古斯特穆爾帖里密赤改特爾墨齊果來改郭勒不蘭谿改布哈喇奇

咎改哈爾吉月魯帖木兒改伊魯特穆爾或閭乃馬歹改閭爾瑪

岱實卜改實保金剛奴改金剛努王忙哥改王孟格翟也先不花改翟

額森布哈八丹改巴勒丹僧儒改舒桑孛羅普化改博囉布哈俺普達改溫

達答祿與權改達魯特與權安童改安圖阿朮改阿珠札刺爾改札拉爾

帖木烈思改特爾甲火耳灰改和囉海本雅失里改布尼雅錫哩咎卜

改藏都連改多蘭忽失溫改和實失乃干改實納噶失捏干改實納干

火篩改和碩老的罕改婁達哈馮答蘭帖木兒改馮達爾特虎保

改呼亦令眞巴改額琳沁巴額阿台改阿勒台或喃哥改訥或改能

格賽音不花改賽音布哈忽哥改和克齊寶山帖木兒改博順特兀

良吉鰥

改烏蘭濟達

高家奴

改高家努

郎卜兒哈

改朗布爾汗或改婁布爾罕

阿必車

改阿必齊

阿比車

改阿比齊

金台吉

改金台什

白羊

布羊古

俱改巴楊古

妥懽帖木兒

改託歡特穆爾

買的里八刺

改邁迪哩

巴拉或改密迪哩巴拉

塔海帖木兒

改達哈特穆爾

失篤兒

改實都爾

蒙哥禿

改孟格圖

九住

改玖珠

完者不花

改旺札勒布哈

天保奴

改天保努

捏怯來

改訥克塔

失烈門

改實勒們

地保奴

改地保努

咬住

改耀珠

也速迭兒

改伊

遜岱爾

坤帖木兒

改琨特穆爾

鬼力赤

改郭勒齊

馬兒哈

改瑪勒哈札爾

婦胡兒

改索胡兒

答里巴

改塔巴爾

巴的

改博迪

阿卜只俺

改諤博爾濟延

阿台王子

改阿勒台王子

達達可汗

改達爾丹汗

阿刺

改阿拉

麻兒可

兒

改穆爾格爾

孛來

改保喇

毛里孩

改瑪拉噶

馬古可兒吉思

改蒙古勒

克塔青吉斯

阿羅出阿魯忽

俱改勒楚爾

幹羅出

改鄂蘭綽克

孛魯乃

改頗 臥加思蘭 改伽嘉 李羅忽 改博 滿都魯 改們 脫羅

羅 改陀 亦思馬因 改伊斯 伯顏猛可王 改巴延 亦卜刺

因王 改伊畢喇 亦卜刺 改伊 阿爾禿廝 改阿爾圖實克

或改阿 帖木哥 改特 阿不孩 改阿 狼台吉 改期 桃松寨

斯齊 改禿 收令哥 改碩 通罕 改託 通漢 改圖 黃台吉 改杭 比

吉 改必 阿力哥 改額 吉能 改吉 賓兔台吉 改賓圖 那木

兒台吉 改納穆 打兒罕台吉 改達爾 哈屯 改哈 乞慶哈

改徹 永邵卜 改永 素囊台吉 改薩納 五路台吉 改烏魯

兀慎台吉 改烏紳 阿暈 改阿 滿旦 改瑪 古六台吉 改古

吉 敖目比吉 改鄂摩 毛乞炭比吉 改茂奇爾 白言台吉

改巴延 猛可帖木兒 猛克帖木兒 滿哥帖木兒 俱改孟

爾把禿孛羅改巴圖博囉答哈帖木兒改達哈特穆爾暖答失改諾

實亦刺思改額勒蘇忽蘭忽失温改和實蘇火耳灰改蘇和

賽因打力改賽因達賚捏烈忽改第喇呼皮兒馬黑麻改必喇瑪爾

伯都王改巴圖王兀忽納改烏固納阿失帖木兒改阿實克特穆爾拜亦

噉哈改拜薩哈勒克捨改克實克養罕王改揚汗王阿沙改阿實克火兒忽

力改和爾里火兒古倒温改呼嚕古達衮卜六王改博囉王裴牙失里

錫哩改裴雅脫兒火察改託爾察哈兒兀歹改哈喇威岱安出改安春

土不申改圖慎朶兒朶臥改多爾阿者禿改烏哲圖哈刺哈孫

哈斯改哈喇朶欒帖木兒改多羅特穆爾別里格改伯勒格迭連拙赤改德

楞卓改賽堪王朶羅干改多羅干打哈改達哈伯革改伯格舟

兒改哈舟兒朶顏通罕改朶顏託干班不什改班布爾實納忽里改納固爾

安克帖木兒

改昂克特穆爾

買柱

改敏珠爾

免力帖木兒

改推勒特穆爾

答失里

改布達錫哩

北斗奴

改北斗努

脫脫塔木兒

改託克託塔密爾

倒

瓦答失里倒瓦刺失

俱改達實里

皮刺納

改丕勒納

猛克不花

猛哥不花

俱改孟克布哈

弩溫答失里

改南達實哩

捏列沙

改納喇蘇卜

列革

改布拉噶

阿只奄章

俱改安札

把塔木兒察

改博迪穆爾察

古兒魯

海牙

改科爾羅哈雅

阿兒察

改阿爾察

阿力里

改阿牙蘭牙木蘭

俱改伊蘭

阿黑麻

改阿哈瑪特或改阿黑瑪

阿木郎

改阿呼朗

綽卜都

改綽卜託

者盼

卜

改哲盤布

奄克孛刺

改恩克保刺

千奔

改沁本

寫亦虎仙

改舍音浩然或

呼實

改沙

拜迭力迷失

改拜達勒默

眞帖木兒

改哲爾特穆爾

阿孛刺

改阿

保滿速兒

改莽肅爾

滿速爾

或改莽肅爾

拜牙郎

改巴雅濟

滿哈

刺三

改瑪哈拉薩

火者他只丁

改和卓塔智迪音

火者馬黑木

改和卓瑪

特哈穆 火者撒者兒改和卓米兒馬黑木改穆爾瑪入拜

煙答改實保失拜煙答改沙虎都寫亦改呼都虎力納

咱兒改和爾瓦赤刺改齊爾白阿兒忻改拜阿觀音奴改觀

音努阿黑把失改阿喀哈散改哈賽音帖木兒改賽音清

來改沁法泉改帕尹吉爾察改伊奇歪思改威蘇也

先帖木兒改額森巴刺麻兒改巴爾也密力火者改葉

和卓倒刺火只改道拉滿刺土兒改滿拉章古改庫鎖南

普改索諾卜納刺改布諾爾或朶兒只改多汪家奴改旺

嘉努桑加朶兒只改桑結汪瓦兒改汪李喃哥改李史刺

巴改實必里改必三刺改薩吒思巴領占改多斯著星

改珠阿爾官改阿亦不刺改額布勒亦不刺金改伊

卜星

勒或改額 布勒津 亦孛來 改額 亦卜喇 改伊伯 麻答兒 改滿板

咱失里 改巴咱 爾實哩 哈魯 改喀 哈孩虎都魯 改噶海 三郎 改桑

濟 哈三 改哈 桑 朶兒只叔 改多爾 撒力加藏卜 改薩布撒

兒只失加 改薩勒嘉 亦攀丹 改伊勒 散哥 改僧 散郎思

改桑 賈失兒監藏 改賈實勒 雅令闊 改雅 那南奔 改納

領占幹些兒 改凌戢 輟思泰巴 改綽斯 陝巴 改善 綽爾

加爾結綽兒加 改綽 小錫忽魯札 改錫錫 鎖魯丹 改索

真只罕 改章 札罕 卜答兀 改布達 治藥王淮 改智約 堅都 改嘉

勒那那罕 改納 都立 改都 忽都帖木兒 改呼圖克 亦憐

真 改額 琳沁 塔力尼 改塔 苦朶 改庫 哈刺馬牙 改噶爾 老伯

罕 改婁 達袞 且旺失嘉 改且旺 可兒郎 改科 困郎來 改琨瑣

合者

改索和爾珍

鎖合者

改蘇古嘉

革古者

改格古嘉

總兒加陸

改總爾嘉

勒瓦撒塔兒

改幹薩塔爾

敢班

改幹布

乞巴

改且巴

賞卜塔兒

改藏

布塔

昆藏

改衮藏

鎖南東

改索諾木舒

阿魯哥失里

改阿爾

抹

台阿巴赤

改穆爾台阿巴齊

苦兒蘭

改科爾羅

赤納

改察納

阿赤不花

改阿齊布哈

桑哥失力

改僧格實哩

班麻思結

改巴特瑪斯結

克俄羅領

占

改凱囉凌戢

毛哈刺

改茂哈喇

祈者孫

改祈濟遜

鎖南吉刺思

改索諾格

喇答力襲

改塔爾實

卻里加

改恰爾嘉

那那

改納南

賞卜兒加

嘉

把麻奔

改巴特瑪本

枝丹

改智丹

只克

改智克

日羔

改日諾

土巴

改圖巴

兀納失里

改溫納實哩

岳山

改岳善

別兒怯帖木兒

改伯勒齊

特穆爾

省阿桑爾只

改桑爾結

八思巴

改帕克

喃加巴藏卜

改蘭戢巴藏布

鎖南堅巴藏卜

改索諾木戢巴藏布

哥列思監藏巴藏卜

改格塔克斯戩哥監藏巴藏卜改噶勒藏布答力麻八刺

瑪巴改達爾拉答師巴改達囉葛羅思改噶克格李隆逋改布

瓦桑兒改幹加領眞改結高日瓦禪伯改高日果樂羅

葛羅改科爾羅監藏巴里藏卜改嘉木藏葛哩麻巴改噶

爾瑪改勒鎖南堅錯改索諾木昆澤思巴改科爾完卜改旺

桑加瓦改桑綽吉我些兒改綽爾吉鄂色爾巴爾藏

卜巴兒藏卜改俱釋迦也失亦改沙克著札領占改珠

琳沁那卜堅參改納克布嘉木燦或改納克布嘉勒燦劄巴藏

卜巴改札克那卜領占改納克綽卽羅竹改綽爾濟領占

班丹改琳沁章陽沙加監藏改札木揚沙賞竹監藏改薩

木珠改勒管兀兒改袞鎖南藏卜改索諾鎖南札思巴改索

諾木札 噫監藏卜改伊嘉木藏布 吉刺思巴監藏巴藏卜改結喇實

巴勒戩藏 割結改札戩 川卜川藏改春丕勒吹藏 吉刺思巴永耐

監藏巴藏布改結喇實巴勒藏布 桑兒結堅咎巴藏布改桑

爾結嘉木燦 公葛列思改袞噶 巴中柰改巴忠肅 領占堅參

改琳改琳 班阿吉江東劄巴改巴勒濟姜 阿往劄失改阿旺札

實著思巴兒監藏改珠卜斯 喃葛監藏改納木班丹 監

劉改巴勒丹 塔兒把堅粲改塔爾巴 喃葛堅粲巴藏卜

改納木喀嘉木 端竹堅咎改端珠卜 宗巴幹改宗喀巴 南哥

巴藏卜館覺改納木喀巴 幹些兒吉刺思巴藏卜改鄂色爾

結喇實巴 必力工瓦改必哩 端竹監藏改端珠 大板的

達改大班 領真巴兒吉監藏改琳巴 綽兒加監巴領

占改綽爾濟領占改琳沁叭兒結堅參改琳沁巴勒領占堅參

叭兒藏卜改琳沁嘉木班著兒改班珠爾領占劄巴改琳沁札克巴

南渴烈思巴改納木喀葛藏改噶勒藏桑加巴改薩喃葛劄

失堅參叭藏卜改納木喀札實嘉卜哈魯噶爾改布必尼改

鼎朵兒只怯烈改多爾失思巴藏卜改克斯巴汝奴汪

叔改潤努馬達納羅摩改瑪達沙葛新的改僧格可般

巴改凱野藍卜納改伊朗連迪改拉南哥思丹八亦監藏

丹改納木喀斯鎖南兀卽爾改索諾木管招兀卽爾改袞

鄂則遠丹藏卜改雲丹刺耳蒙改拉若刺改如伯思東

巴獵改布賈哈刺改嘉喃哩改囊加八僧改札南葛

木噶改納克羅俄堅粲改克嚕卜饒絡改饒爾阿標改烏劄思

堅粲藏卜

改札實嘉木燦藏布

綽吾結言千

改綽鄂結揚沁

喃呆

改囊愛

容

中短竹

改永忠端珠布

滿刺哈非思

改滿刺克巴斯

白阿兒忻台

改拜額爾

欽兀魯伯

改鄂勒博

沙里奴兒丁

改實喇卜諾爾丹

米兒咱

改密爾咱曲

烈干

改齊魯根

撒因

改保賽音母撒薩

怕六灣

改帕勒溫

伯魯

灣

改帕勒溫

群塏刺海

改群勒哈

黑的兒火者

改克爾和卓

哈馬

力丁

改哈爾丹

沙迷查干

改實察罕

納黑失只罕

改色

諾海速

哥

改蘇格

忽歹達

改呼岱達

也密力虎者

改額勒和卓

沙哈魯把都

兒

改薩巴圖爾

金哈藍伯

改勒巴勒金哈

打刺罕

改爾罕

法虎兒丁

改巴哈

阿卜都刺

改鄂博都哩

神忠母撒

改新中默桑

打魯哇

改都

亦思

勒鎖和卜台

改蘇古卜台

滿可

改孟克

迷兒阿力

改密爾阿力

亦思

罕答兒魯密帖里牙

改伊實干達爾魯密德哩雅

阿失刺福

改阿實拉呼

亦思

罕答兒魯密帖里牙

哈只馬黑木

改哈濟瑪
哈穆特

捨兒班

改實爾
巴勒

牙忽沙

改雅
固沙賽

亦德阿力

改賽音德
勒阿里

賽亦得哈三

改賽音德
勒哈桑

寫亦把刺

克

改賽音
布拉克

亦麻都兒

改伊瑪
都爾

額馬都抗

改額穆
都喀

馬力丁

改珠瑪
爾丹

撒哈八

改薩
阿巴

撒阿的

改薩
阿迪

幹葛思

改幹
格斯地名國

名番部土司等名如察罕腦兒察罕腦刺

俱改察
罕諾爾哈刺

那海

改哈喇
諾海

土刺河

改圖
拉河

答刺海

改塔喇海
改達喇海

莽哥倉

改孟
克桑口溫

改坤或
改琨

阿魯渾河

改鄂爾
坤河

稱海

改青
海

桑哥兒

麻

改桑噶
爾瑪

三不刺川

改賽音布
拉克川

百千兒

改伯齊
勒齊

埽林山

改
索

琳山或改
纒琳山

亦集乃路

改額齊
納路

別篤山

改畢
道山

苦屯

改魁
春亦

迷河

改伊
瑪河

牙頭

改英
圖

畢栗河

改畢
嚕河

豬兒峪

改珠
爾峪

屈裂河

改奇拉
爾河

幹難河

改鄂
諾河

雙乃山

改尚
乃山

飛芬山

改斐
芬山

捏工川

改尼恭川或張其哈佃改章嘉海刺都哈喇脫哈刺脫

改聶恭川俱改哈可可母林改庫克不沾泥改巴哈流兔改哈撒

爾湖山改薩爾勺琴山改碩迤都改伊闊欒海改庫宿

鬼山改蘇蘭答納木兒河改達蘭納母納山改穆兀魯

乃改烏刁力溝改多莽刺川改莽兀蘇河改烏干趕河

改噶爾把思闊改博屈烈河改楚格魯琨改克腦溫江

改諾早落兀素改喀喇卜隆吉兒川改布陸小列禿改

圩圖或改兔兒壩改託苦爾丹改科靈藏改凌畢力朮

江改巴勒帖兒谷改託怕木竹巴改帕克思達藏改斯

藏牛兒宋寨改諾爾白勒寨改丕阿昔洞改阿老思岡

改魯阿魯骨改阿勒達達改達阿朮河改阿忽魯謨斯

改和爾 默蘇 古里 改呼 古里阿丹 改庫哩 俺的干失刺思 改安

迪千實 喇斯 尼八刺 改巴勒 尼速覲嵩 改蘇木 于闐 改和 俺的干

改愛 達罕 哈實哈爾 改喀什 亦思弗罕 改伊蘇 火刺札 改呼

乞力麻兒 改瑪勒 白松虎兒 改勒 斯 答兒密 改瑪納失

者罕 改哲干 敏眞 改珍 日落 改日 米昔兒 改實爾 密討來思

改託 喇思 阿速 改蘇 阿沙哈魯 改薩呼爾 或 默德那 改德訥 撒馬

兒罕 改爾堪 沙鹿海牙 改哈雅 達失干 改實干 賽藍埽藍

俱改 薩蘭 養夷 改伊克 渴實 改克 迭里迷 改德爾默 或 卜花兒

卜哈刺 改俱爾 別失八里 改巴什 哈烈 改哈 俺都淮 改安

都八答黑商 改拔達 亦力把里 改巴爾 黑魯黑婁 俱改

失刺思 改實喇蘇 或 把丹沙 改達實 速麻里兒 改瑪喇勒 密

思兒

改密爾默

伽齊

改穆瓦刺

改衛拉特

兀良哈

改烏梁海

籠板爾

改

巴爾土蠻

改土默特

我兒都司禰兒都司

俱改鄂爾多斯

王兀堂

改郭特

伯牙雅

改巴

銀鐙

改音登

貴英哈

改古英

一克灰正

改伊克

輝章

腦毛大

改諾穆岱

亦郎骨

改伊楞古

插漢兒

改察哈爾

哈喇噶

改喀喇沁

畏

兀兒

改輝和爾

哈刺灰喇

改哈喇

七克力

改默克

哈刺喇

改哈喇

帖木兒

改

哥土巴

改特圖克

穆爾巴哈梅里

改哈瑪爾

著亦市

改依哲

阿真

改阿珍

石先帖里

改儒塔爾

撒里

改薩里

板納

改巴勒納

野七克力

改密克

野

勒思曩日

改斯曩日

別思寨

改伯爾寨

葛忒郎

改特朗

哈烈兒

改哈

哩沙的蠻

改達沙

哈的蘭

改達哈

把力黑

改克巴

雅俺力

麻

改阿

瑪察力失

改拉實

幹失

改拉實

怕刺

改勒

你沙兀兒

改薩

固

爾克失迷兒

改密爾

帖必力思

改特

博

火壇

改坦

和

擺音

延改巴 克卽改克 米兒哈蘭改密爾 可脫卽蠟燭改克託

也的干刺竹改葉迪 因格失迷改英格 乞兒吉思改奇

蘇羽奴思哈辛改伊聶蘇 囉囉斯改羅 茶罕章改察達

思蠻改塔 他如汗號則虎墩兔改胡土 速檀改蘇勒坦

坦鎖魯檀改素 官名則達魯花赤改達嚕 宰賽宰僧眞

相俱改 招討司則朶甘隴答改朶甘 朶甘念唐改朶甘

磨兒勘改穆 答隆蒙改達 萬戶府則沙兒可改沙乃竹

珠改羅 思端改羅 列思麻改埒克 軍民元帥府則俄力

思改鄂 衛名則阿端改阿 毛憐改摩 曲先改庫 必里改

里克或俺不羅改安布 餘如管事之名力完改達 屋名

板升改拜 大土臺名大土刺改達 糖名達郎古賓改達

爾此皆改譯之大略也

各卷纂輯姓名

是書纂輯諸臣以槁本考之宋銑黃壽齡皆纂修官嚴福羅修源章宗瀛皆協修官惟劉錫嘏方煒無考進呈本所題姓名往往與正本不同今悉詳著之而卷中不復出某人案亦不云某人恭校以歸簡易一百十三一百十四闕名此二卷據槁本緝錄進呈本正本俱闕一百十五槁本進呈本正本俱闕一百十六一百十七進呈本嚴福正本闕一百十八至一百二十進呈本羅修源正本嚴福一百二十一進呈本羅修源正本方煒一百二十二進呈本宋銑正本嚴福一百二十三一百二十四進呈本宋銑正本章宗瀛一百二十五一百二十

六進呈本劉錫嘏正本方煒一百二十七進呈本羅修
源正本章宗瀛一百二十八至一百三十二進呈本劉
錫嘏正本嚴福一百三十三至一百三十七進呈本宋
銑正本章宗瀛一百三十八至一百四十一進呈本劉
錫嘏正本章宗瀛一百四十二進呈本劉錫嘏正本方
煒一百四十三嚴福一百四十四進呈本嚴福正本章
宗瀛一百四十五至一百四十八進呈本宋銑正本章
宗瀛一百四十九至一百五十一嚴福一百五十二一
百五十三進呈本劉錫嘏正本方煒一百五十四進呈
本劉錫嘏正本章宗瀛一百五十五進呈本劉錫嘏正
本方煒一百五十六劉錫嘏一百五十七進呈本宋銑

正本黃壽齡一百五十八嚴福一百五十九一百六十
進呈本宋銑正本黃壽齡一百六十一一百六十二進
呈本宋銑正本章宗瀛一百六十三一百六十四黃壽
齡一百六十五進呈本羅修源正本方煒一百六十六
至一百六十八黃壽齡一百六十九一百七十進呈本
宋銑正本章宗瀛一百七十一至一百七十三進呈本
宋銑正本黃壽齡一百七十四至一百七十八黃壽齡
一百七十九進呈本羅修源正本方煒一百八十至一
百八十四進呈本宋銑正本黃壽齡一百八十五至一
百八十八黃壽齡一百八十九羅修源一百九十一百
九十一進呈本羅修源正本方煒一百九十二進呈本

黃壽齡正本方煒一百九十三進呈本宋銑正本方煒一百九十四進呈本羅修源正本方煒一百九十五正

本方煒

進呈本此卷闕

一百九十六一百九十七進呈本羅修

源正本方煒一百九十八至二百進呈本宋銑正本章宗瀛二百一進呈本羅修源正本章宗瀛二百二進呈本黃壽齡正本章宗瀛二百三二百四黃壽齡二百五進呈本黃壽齡正本方煒二百六嚴福二百七黃壽齡二百八進呈本黃壽齡正本章宗瀛二百九進呈本宋銑正本章宗瀛二百十嚴福二百十一宋銑二百十二進呈本宋銑正本章宗瀛二百十三二百十四宋銑二百十五至二百十七嚴福二百十八二百十九進呈本

黃壽齡正本章宗瀛二百二十一黃壽齡二
百二十二進呈本黃壽齡正本章宗瀛二百二十三進
呈本羅修源正本章宗瀛二百二十四二百二十五進
呈本宋銑正本章宗瀛二百二十六進呈本羅修源正
本章宗瀛二百二十七至二百二十九進呈本宋銑正
本章宗瀛二百三十二百三十一進呈本羅修源正本
方煒二百三十二進呈本羅修源正本章宗瀛二百三
十三黃壽齡二百三十四至二百三十七嚴福二百三
十八二百三十九進呈本黃壽齡正本方煒二百四十
嚴福二百四十一進呈本羅修源正本方煒二百四十
二進呈本羅修源正本章宗瀛二百四十三至二百四

十六進呈本羅修源正本方煒二百四十七進呈本黃

壽齡正本方煒二百四十八黃壽齡二百四十九進呈

本羅修源正本方煒二百五十二百五十一進呈本宋

銑正本章宗瀛二百五十二至二百五十五進呈本嚴

福二百五十六進呈本闕名

二百五十二至二百五十六正本闕

二百五

十七進呈本宋銑正本章宗瀛二百五十八嚴福二百

五十九章宗瀛二百六十嚴福二百六十一進呈本宋

銑正本黃壽齡二百六十二至二百六十五嚴福二百

六十六進呈本羅修源正本方煒二百六十七二百六

十八黃壽齡二百六十九進呈本羅修源正本方煒二

百七十二百七十一黃壽齡二百七十二二百七十三

方煒二百七十四進呈本羅修源正本方煒二百七十
五至二百八十嚴福二百八十一至二百八十四進呈
本羅修源正本方煒二百八十五進呈本宋銑正本章
宗瀛二百八十六進呈本羅修源正本方煒二百八十
七至二百九十一章宗瀛二百九十二進呈本羅修源
正本方煒二百九十三進呈本羅修源正本闕名二百
九十四進呈本羅修源正本方煒二百九十五進呈本
闕名正本方煒二百九十六進呈本羅修源正本方煒
二百九十七進呈本嚴福正本章宗瀛二百九十八至
三百一章宗瀛三百二三百三方煒三百四進呈本羅
修源正本方煒三百五至三百七方煒三百八至三百

十嚴福三百十一至三百十八章宗瀛三百十九進呈
本宋銑正本章宗瀛三百二十進呈本宋銑正本方煒
三百二十一至三百二十六進呈本嚴福正本章宗瀛
三百二十七進呈本宋銑正本方煒三百二十八黃壽
齡三百二十九至三百三十二方煒

明史攷證攬逸卷一

長洲王頌蔚編集

列傳第一 后妃一

太祖孝慈高皇后傳一日問帝今天下民安乎○按成祖嘗問徐后曰先后遺言何者至要對曰安危係民之苦樂民心之所歸卽天命之所在又曰賞罰惟公足以服人見明實錄

帝封馬公徐王鄭媼爲王夫人○按馬公鄭媼俱於洪武二年追封建祠太廟之東至四年命陶凱立廟宿州塋祠見明實錄

成祖仁孝徐皇后傳官僚宜擇廷臣兼署之

改宜擇老成之士以

輔○按明實錄后謂成祖曰太子國家之本諸王藩
屏所資願擇老成端正之士輔養德器上曰皇考之
制東宮官屬率以廷臣兼之蓋明制宮僚兼署王官
專設漢趙二王官僚不應廷臣兼署也此云官僚宜
擇廷臣兼署誤

作內訓二十篇○按內訓二十篇目曰德性修善謹言
愼行勤勵警戒節儉積善遷善崇經訓景賢範事父
母事君事舅姑奉祭祀母儀睦親慈幼逮下待外戚
見明實錄

宣宗恭讓胡皇后傳選爲皇太孫妃○按胡后父榮生
七女洪武初長女入宮爲女官榮授錦衣百戶后其

第三女也見明實錄

郭嬪傳入宮二旬而卒○按宣宗聞郭氏之才因召至京卒贈國嬪見朱彝尊明詩綜

景帝汪廢后附傳妃杭氏○按杭后父昱因后累陞錦衣衛指揮使外戚不爲昱立傳又杭后立謚祔廟英宗遷之別室並見明實錄

孝穆紀太后傳別祀奉慈殿○按嘉靖十五年并祭祀太后於奉先殿罷奉慈殿薦享見孫承澤春明夢餘錄

列傳第二 后妃二

孝宗孝康張皇后傳會太后弟延齡爲人所告○按是

時刑部謂延齡謀逆無驗殺人乃實帝爲奪尙書叢
賢俸見明實錄

孝烈皇后方氏傳十年三月○按后與鄭氏等冊爲九
嬪禮志作十一年

捕宮人雜治○按時同謀宮人有楊玉香邢翠蓮姚淑
翠楊翠英關梅秀劉妙蓮陳菊花王秀蘭又有徐秋
花鄧金香張春景黃玉蓮等見徐學謨世廟識餘錄
孝定李太后傳顧好佛京師內外多置梵刹○按太后
事佛甚謹宮中稱爲九蓮菩薩神宗爲建景命殿於
瀋縣之永樂店蓋太后所生之地也有神宗御製碑
文見陸元輔菊隱紀聞朱彝尊日下舊聞

神宗孝端王皇后附傳有昭妃劉氏○按劉妃加諡爲宣懿康昭見明實錄

鄭貴妃傳十月立爲皇太子○按皇太子之未立也大內北上西門之西有大高元殿鄭妃要帝謁神設密誓立其子爲太子因御書一紙械玉合中賜妃爲符契後廷臣爭之強慈聖太后復堅持立長於是太子遂定帝遣人取玉合封識宛然發合蟲蝕書盡矣見日下舊聞

光宗孝元郭皇后傳諡恭靖○按后於泰昌時進諡恭端懿溫惠元見明實錄

孝和王太后傳四十七年三月薨○按后以三十二年

生熹宗進才人始薨時諡昭肅恭和章懿才人光宗
卽位進封皇貴妃改諡溫肅端靜純懿皇貴妃見明
實錄

莊烈帝愍周皇后傳其先蘇州人

蘇州改嘉定

○按周后爲

蘇州嘉定人見嘉定縣志

帝嘗在交泰殿○按乾清宮之北曰交泰殿皇后所居
也袁貴妃居翊坤宮田貴妃居承乾宮並見日下舊
聞

贊

亦非有陰鷺之謀干政奪嫡之事徒以恃寵溺愛

改亦非有

干政之事然鄭妃忘匹嫡之嫌恃寵溺愛

○按萬貴妃傳中屢傷皇嗣其

謀陰驚已甚鄭貴妃擅寵奪嫡見於各紀載及史中
各傳者確有可據贊內但取文筆之抑揚於事理曲
直殊爲失當

列傳第四 諸王一

秦王機傳機妃元河南王王保保女弟○按王保保卽
庫庫特穆爾沈正人本王氏小字保保順帝賜今名
長安有魯齊書院齊改齋○按魯齋書院見陝西通志此

作魯齊誤

所著有經進小鳴集經進改賓竹○按誠泳所著詩名賓竹

小鳴集見明詩綜此作經進誤

鳳朔以東

朔改朔

○按秦藩在陝西自潼關以西無以朔

名地者係翔字之誤

晉王桐傳桐隨來朝○按桐來朝時廢爲庶人居京甚久號泣悔罪乃復爵敕歸時桂彥良汪河爲其官屬桐待之有禮見明實錄

數命將兵出塞及築城屯田○按桐與燕王同出塞燕王深入北庭桐第築城於下水太祖切責之見明實錄

晉王桐附傳十年徙汾州○按永樂十年五月辛卯命慶成王濟炫居蒲州撥太原右衛中所官軍隨侍又以蒲州弊壞請居汾州從之見明實錄

周王橐傳弟有勵○按有勵少與高煦善建文中嘗誣

定王反燕王卽位定王請誅之成祖不忍徙之大理
定王老始歸見明實錄

子敬王在鉅嗣萬厯十年薨○按敬王在鉅表作十一年薨與此互異

崇禎十四年冬李自成攻開封○按李自成三圍開封
此云十四年冬則第二次被圍之時也當自成初圍
時周藩承奉曹坤左長史李映春率藩府勇士八百
人登城守禦下令民間有能出城斬賊一級者賞銀
五十兩能射殺一賊者賞三十兩射傷一賊或磚石
擊傷者賞十兩百姓紛紛恐後見李光壁守汴日志
周王櫛附傳從河洛閒宿儒游○按睦樺受禮於睢陽

許先三月而盡其學見明詩綜

益訪購古書圖籍

至

延招學者

坡改

○按睦樗傾貲購

書竭四十年之力倣唐人四部法用牙籤識別凡一萬二千五百六十卷起萬卷堂諷誦其中築室東陂之上有陂上詩文集二十卷見明詩綜

楚王楨傳十四年就藩武昌○按楚王於十四年就藩卽率江夏侯周德興討散毛諸洞蠻明年討大庸諸洞二十年討雲南阿魯速二十四年征西番二十七年討道州全州叛獠二十八年討桂陽山寇二十九年討瀘谿黔陽諸蠻並有功見明實錄

楚宗人華越等言華奎與弟宣化王華壁皆非恭王子

○按楚恭王得廢疾以遺腹孿生華奎華壁儀賓汪若泉嘗訐奏其非事下撫按王妃持甚堅得寢至是華越又奏之見郭正域等傳

魯王檀傳十二年大清兵克兗州二改五○按王世貞諸

王表肅鏞以崇禎十二年薨子以派十三年嗣十五年我大兵克兗州就執此誤五爲二

魯王檀附傳弟觀鞅以詩畫著名同時鉅野中尉頤塚安圻將軍頤壩聲詩清拔○按觀鞅嘗請辭祿廬父墓詔不允頤塚字育甫頤壩字冕甫二甫之名滿於當時頤塚有赤霞館集頤壩有元同館集見明實錄及明詩綜等書

列傳第五 諸王二

蜀王椿傳復遷澧州

禮改澧

○按地理志作澧州

子定王友垓嗣○按獻王椿有獻園集定王友垓有集十卷惠王申鑿有惠園集成王讓栩有長春競辰集端王宣圻有端園集一時諸王文學以蜀爲冠見朱彝尊靜志居詩話

代王桂傳孫隱王仕壘嗣○按隱王仕壘有叔八人並封郡王天順五年以代隘徙封懷仁王於霍山陰襄垣二王於蒲靈正王於絳宣寧隰川二王於隰并徙仕壘子定安王於忻見明實錄

子定王鼎鉉嗣三十二年薨

三改

○按諸王表定王鼎

鉉以神宗二十二年薨新寧王鼎鈞以二十四年晉封此作三十二年誤

肅王模傳永樂六年○按永樂二年肅王模奏求書籍藥材詔答曰所求書有者悉送去惟十七史諸書俟印裝續送昔洪武中兄嘗求乳香皇考以分封供給有制不與賢弟亮之見明實錄

世子眞淤○按眞淤爲世子時博學好文著有星海集寧藩宗正謀埒極稱之後以定王立追諡靖王見明實錄

遼王植傳詔奪眞人號及印○按是時奪號及印并削祿米三分之一見明實錄

以廣元王術堯爲宗理○按廣元王術堯諸王表作術
垌與此互異

慶王橈傳二十八年詔王理慶陽寧夏延安綏德諸衛
軍務○按王以建文三年始遷寧夏見諸王表

令孫景文作檄以討劉瑾爲名○按孫景文作檄數劉
瑾諸罪狀及張綵劉機曹雄毛倫文臣武將內外交
結謀不軌今特舉義兵請除君側凡陝西守臣將真
鑄等刊印劉瑾激變罪惡告示榜文封奏瑾匿不以
聞見谷應泰明史紀事本末

寧王權傳燕王遂自劉家口間道趨大寧○按燕王議
攻大寧諸將咸曰攻大寧必道松亭關但關門險塞

猝恐難下上曰今從劉家口徑趨大寧不數日可達其將士悉守松亭關老弱居守師至可拔卽松亭亦不戰自降矣師遂行見明寶錄

其他注纂數十種○按寧王注纂經子九流星厯醫卜黃治諸術皆具凡羣書有祕本莫不刊布國中著述之富無逾王者見明詩綜

乘宏讀廷試卷取中旨行之○按完初爲江西按察使爲宸濠所重完亦心附之自完入內與王問遣不絕王欲復護衛輦金分饋權要完知費宏不可遂因其讀卷入疏下制許之并傳旨令宏致仕見明史紀事本末

與吉安知府伍文定等檄諸郡兵先後至○按知府伍文定等至眾議所向守仁曰兵家之道急衝其鋒攻其有備皆非計之得吾固示以自守不出之形彼必他出然後尾而圖之先復省城以擣其巢穴俟彼還兵來援然後邀而擊之此全勝之策也見王守仁陽明集及明史紀事本末

樂舞齊郎之屬半給之

齊改齋

廷議增設石城宜春管理○按宜春郡王以從宸濠除爵石城郡王以嘉靖二十七年無子停襲故至是復議增設見諸王表

時諸郡王統於弋陽而瑞昌始王不祀○按瑞昌郡王

以正德十五年從宸濠除爵故諸宗皆屬弋陽見諸王表

列傳第六 諸王三

岷王榧傳六年削其護衛罷官屬○按榧於永樂十八年十二月從居北京見諸王表

洪熙元年

改仁宗即位

○按榧徙武岡在永樂二十二年十

月見明實錄是時仁宗甫即位尙未改元此遽稱洪熙元年誤

子恭王徽煖嗣○按諸王表岷王嫡長子徽煖薨無嗣景泰三年乃以嫡弟徽煖嗣

並召至京○按鄭曉同姓諸王傳徽煖與闖豎謗其弟

徽燦輒赴京奏事敕止之途不止上爲斬閹豎而遣徽燦歸此云並召至京未知孰是

時景泰二年十月也○按景泰四年徽燦請入朝不許見明實錄

子靖王彥汰嗣○按彥汰爲膺鉅庶長子以弘治十七年自江陵王嗣見諸王表

彥汰亦坐抗制擅權革爵○按彥汰坐荒淫無度幽囚嫡母逼迫多官稱臣革爲庶人見同姓諸王傳

子憲王定燿嗣至從父企鰲嗣○按定燿薨後以南充

王幹跬爲世子未立而卒謚僖靖孫企鈐亦卒乃以禋洪嗣企鰲者幹跬子企鈐弟也見諸王世表

流賊陷武岡遇害○按崇禎十六年三月張獻忠陷武岡所謂流賊指此見明史紀事本末

谷王穗傳又致書蜀王爲隱語○按穗致蜀王書有曰德蒼時不可言桓文之事桓文時不可言德蒼之施卽所謂隱語也見明實錄

於是及二子皆廢爲庶人○按何喬遠分藩記云穗是時闔戶自焚死與此異同姓諸王傳謂是時廢其二子賦灼賦爚爲庶人

韓王松傳洪武二十四年封國開原○按洪武二十七年三月上令松及藩王省秦晉燕周齊五王分道而行至秋八月乃還見明實錄

子惠王徵針嗣○按徵針弟漢陰王徵錕無子妃父周恂取他人子冒爵事發斬恂沒其家冒封子女皆賜死見明實錄

子定王融燧嗣○按融燧在位請食鹽食茶戶部以茶易戎馬鹽供邊餉不許見同姓諸王傳

子謨塏先卒○按謨塏於嘉靖四十年薨諡悼恭後追封安王見諸王世表

子孫皆早卒○按朗綺子璟宏孫達杞先後皆封世子世孫見諸王世表

藩王模傳就藩潞州○按宣宗時模言諸子婚請展府府垣外盡民廬也上曰毀民廬以拓王府不可命工

部往勘之見同姓諸王傳

子恭王詮鉦嗣嘉靖六年薨孫允禮攝府事九年卒○
按詮鉦子勳泚封福山王前卒追封靖王允禮卒後
追封懷憲王見諸王世表

再從弟憲王允移攝府事凡十年乃嗣封○按允移靈
川王詮鉢孫勳潛子也允移嗣爵追封詮鉢爲安王
勳潛爲惠王而以勳潛次子允挺爲德平王續靈川
之後見分藩記

唐王桎附傳彌鉗子敬王宇溫嗣○按嘉靖四年以宇
溫嗣爵追封彌鉗爲恭王見諸王世表

三十九年宇溫薨○按是時有輔國將軍宇浹者定王

元孫也五歲喪明畫掌識文字嘉靖中陳便宜數十
事其孫碩勵勵子器封並以文詞名號南陽父子見
分藩記又按神宗時給事中張應登疏諸藩文行可
宗正者周則安泐勤莫勤此趙則載堆載坑襄則載
埴載幸楚則英熿南昌則多熿多烜多烱多析唐則
碩勵父子見明實錄

遂立於福州號隆武

改立於福州
僞號隆武

先是靖江王嘉亨

嘉亨改
亨嘉

○按靖江王世系作亨嘉

伊王欒傳世孫悼王諱釁嗣○按顓煥子勉堡不及封
而卒追封安王見分藩記

多持官吏短長○按是時知府張柱初至官校尉數百

人把持府事柱榜門有納伊府校尉者死典模怒使伶人守府門伺柱出俳弄之見分藩記

御史行部過北邙山外模要笞之

山下增典字刪外字

煥曰

煥上增典字

僉謂典煥淫暴無藩臣禮○按是時僉事林騰蛟疏典煥淫暴狀典煥毒殺之見分藩記

靖江王守謙傳父文正南昌王子也○按南昌王長子曰山陽王聖保無後見諸王表

友諒旁掠吉安臨江俘其守將○按是時友諒獲吉安守將劉齊朱淑華臨江同知趙天祐見同姓諸王傳

任椽吏衛可達

椽改椽

之藩桂林○按守謙之藩桂林在洪武九年見明實錄
子相承先卒○按相承後以規裕嗣追封懷順王見諸
王世表

爲巡撫瞿式耜所誅時唐王聿鍵在福建奏捷焉

改巡撫瞿

式耜奉唐王聿鍵命禽送福州聿鍵誅之

○按唐王聿鍵傳亨嘉爲瞿式

耜所禽此作誅互異考明史紀事本末是時聿鍵在
閩式耜奉命禽亨嘉送福州誅之此稱爲式耜所誅
誤且原文末二語亦未協

吳王允燭傳降爲廣澤王○按允燭允煙之廢也帝以
不能諫正惠帝罪之見同姓諸王傳

錮鳳陽○按天順四年出吳庶人之錮鳳陽者但有老

婦女五六人見諸王表

太子文奎傳太子文奎○按文奎以洪武二十九年十月晦生高帝不悅曰日月皆終見諸王表

漢王高煦傳洪武時召諸王子學於京師○按高煦於洪武二十八年封高陽郡王見明實錄

盜輝祖善馬徑渡江馳歸○按是時輝祖密奏惠帝謂高煦勇悍無賴請留勿遣會徐增壽及駙馬王寧力庇之竟遣還見分藩記

命將兵往開平備邊○按是時命高煦充副將軍北平開原諸衛及從征官軍悉聽節制見王世貞明異典述

時時稱高煦功高幾奪嫡○按福等時稱高煦功高成祖曰居守功高於扈從儲貳分定於嫡長汝等勿復妄言見同姓諸王傳

譖解縉至死○按縉嘗對成祖謂太子天下本不可輕動後泄其語爲高煦所訴出爲交趾參議又三年請鑿章江水忤旨下獄久之以舊憾致死之見王世貞史乘考誤

誅其左右狎暱諸人○按是時帝以其長史程棕紀善周巽等不能匡正皆斥交趾爲吏見明史紀事本末封其長子爲世子餘皆郡王○按永樂二十二年十月仁宗封高煦嫡子瞻坦爲漢世子次瞻奎濟陽王瞻

域臨淄王瞻埤昌樂王瞻澤淄川王瞻坪東齊王瞻
塋任城王瞻塏海豐王瞻邨新泰王見明實錄

時高煦已約山東都指揮靳榮等○按是時高煦約榮
等反濟南爲應後爲守吏所覺不得發見明史紀事
本末

乃議遣陽武侯薛祿將兵往討○按是時敕遣指揮黃
謙同平江伯陳瑄守淮安防賊南逸并令指揮芮勳
守居庸關見明史紀事本末

高煦及諸子相繼皆死○按高煦旣錮逍遙城帝一日
往視高煦出不意伸一足勾帝仆地左右急扶起乃
舁銅缸覆之缸重三百斤高煦頂負之輒動帝命積

明史攷證
一
炭釭上然之移時火熾銅鎔而死見同姓諸王傳

趙王高燧傳得爲僞詔

爲改其

子惠王瞻埒嗣○按高燧長子瞻坂仁宗卽位封爲趙世子先卒無子謚悼僖高燧薨後瞻埒以安陽王嗣見同姓諸王傳

高燧成祖第四子未及封卒○按成祖第四子高熾雖早殤無可紀載而其生卒及受爵與否概未之載似屬闕略謹據諸王表於高燧之後添列一行以符體例

明史攷證攬逸卷二

長洲王頌蔚編集

列傳第七 諸王四

鄭王瞻埈傳詔曰前宗室有謗訕者置不治○按嘉靖二十七年鎮國中尉周王孫勤熨者因得過奪祿乃上書極諫世宗怒除爲庶人幽高牆見分藩記

蘄王瞻垠傳蘄獻王瞻垠○按洗馬姚友直嘗授王經有問必正對王雖幼知賓禮之見分藩記

襄王瞻塏傳詔設襄陽護衛○按帝令瞻塏宮殿制如黃屋瞻塏踰階辭帝稱善又賜之襄王之寶雕玉篆曰以識密奏見分藩記

詔王詣昌平謁三陵○按瞻塏謁陵返上疏言伏讀皇太后詔書諭廢郕王如漢昌邑王臣竊以爲郕王背恩亂倫非昌邑比臣閱其葬杭氏陵僭擬長獻不勝憤悼請賜夷毀上從之見分藩記

及辭歸禮送加隆○按瞻塏四年返國時上製峴山漢水二賦及襄陽四時歌以榮之其行也上送之蘆溝橋見明實錄

從子莊王厚頤由陽山王嗣○按厚頤定王次子見滂之孫而祐楬之子也嗣爵追封見滂爲恭王祐楬爲惠王見諸王世表

荆王瞻塏傳子靖王祁鎬嗣○按祁鎬嘗爲妃魏氏乞

照母妃珠冠賜博鬢英宗賜敕責其違制妄干見明
世法錄

見潁懼其及也密聞於孝宗○按是時帝遣太監蕭敬
錦衣指揮同知孫瓚刑部侍郎載珊按其事見潁以
不早言革祿米三之一見明實錄

廢祐柄○按祐柄削爵安置武昌令楚王約束見明實
錄

厚烜子永定王載璉長○按載璉初封永定王後追封
莊王見諸王世表

見燝曾孫載垚尤折節恭謹以文行稱○按隆慶中載
垚疏請自試不報見分藩記

淮王瞻塿傳就藩韶州○按瞻塿常來朝長史李伯嶼從左右欲有所求伯嶼不可曰朝廷之一賜則惠求則瀆瞻塿病府中人請爲祈福伯嶼曰何如貸丁錢以甦衛士之困瞻塿皆從之見分藩記

世子見濂早卒○按世子見濂後追諡安王見明實錄滕王瞻塿傳封雲南○按滕王府長史姚友直事王恭謹宣宗愛王爲陞友直雲南參議掌長史事見同姓諸王傳

梁王瞻珎傳就藩安陸○按同姓諸王傳梁府承奉孔勤侮瞻珎上曰梁王朕親弟奴敢如是逮勤誅之未幾上表不恭有司請治長史罪上以王故特不問

德王見潯傳孫恭王載澄嗣○按祐榕世子厚燉先卒載澄立追諡懷王見分藩記

秀王見澍傳長史劉誠獻千秋日鑒錄○按同姓諸王傳劉誠時爲秀藩左長史

崇王見澤傳子莊王載境嗣○按嘉靖十九年載境請父恭王墓表禮部援韓府襄陵王故事請如王奏上曰宗室賜壙志此祖宗典例安得有立表事襄陵立石已非例自今乞請宜勿與見同姓諸王傳

孫由櫝嗣○按翊鐸世子常澣先卒弟南陽王常澤封世子亦先卒由櫝者常澤子也見分藩記

吉王見浚傳孫定王厚燭嗣○按見浚世子祐扶先卒

厚熲立追封悼王見分藩記

孫由棟嗣○按諸王世表翊鑾世子常澤先卒由棟嗣追封安王

徽王見沛傳就藩鈞州○按弘治二年見沛乞陞州爲府吏部尙書王恕言肅藩荆岷皆封州鈞不得獨異從之見同姓諸王傳

時方士陶仲文有寵於世宗厚熲厚結之○按分藩記世宗南巡厚熲迎迓甚恭帝喜大賚之益歲祿三百石

載堦銜之○按高輔性廉謹每有賜予皆辭帝以此逾重之會載堦使人求謝無以應故銜之見明史紀事

本末

懷獻太子見濟傳及郕王卽位心欲以見濟爲太子而難於發○按景帝嘗語太監金英曰七月初二日東宮生日也英頓首曰東宮生日是十一月初二日帝默然見明史紀事本末

景帝大喜○按景帝得玠疏大喜曰萬里外有此忠臣見明史紀事本末

天佑下民作之君至斯本固於萬年○按詔書首二語何文淵所屬對也英宗復位王誠舒良伏誅陳循江淵遣戍商輅蕭滋等廷杖除名王直高穀皆致仕文淵先致仕至是革宮保懼禍自盡黃玠已前死捕其

子誅之見何喬遠繼體記

岐王祐檣傳弘治八年之藩○按祐檣弘治中請迎母養不許見同姓諸王傳

益王祐檣傳嘉靖十八年薨○按嘉靖十八年姦人班明誣昌國公張鶴齡通祐檣有異謀久之得白見分藩記

孫宣王翊釗嗣○按厚炫世子載增先卒翊釗嗣爵進封昭王見分藩記

榮王祐樞傳三年之藩常德○按是時劉瑾惡王與吏部尙書張綵謀逐王就國見同姓諸王傳

孫恭王載堉嗣○按祐樞世子厚勵先卒載堉嗣爵追

封懷王見諸王世表

蔚王厚煒傳生三歲薨

薨改殤

列傳第八 諸王五

莊敬太子載壑傳行冠禮○按太子冠日風壞泰折坊工部尙書顧可學言泰與太同未婚而死曰折爾雅曰方澤泰圻祭地也請改折以圻見繼體記

景王載圳傳載圳年少

至

中外頗有異論○按是時中

允郭希顏落職家居有安儲一疏給事藍璧等奏希顏怨望傾險論死見明實錄

潞王翊鏐傳景王就藩時○按翊鏐居藩時河南撫按官稱王嘗私出禁城神宗手敕責之見明世法錄

福王常洵傳常洵次之○按常洵後光宗五年生卽進其母鄭氏爲貴妃見明實錄

四十二年始令就藩○按四十三年南京御史汪有功言福府內侍擅祭告孝陵不報見明史紀事本末

開北門納賊○按自成聞福藩富爲謀已久適陝西叛兵逃至河南爲自成內應故一夕而陷見明史紀事本末

賊跡而執之遂遇害○按常洵被執時兵部尙書呂維祺遇於道謂常洵曰名義至重毋自辱維祺亦不屈死見明史紀事本末

事聞帝震悼○按帝聞變逮總兵王紹禹磔之籍其家

見明史紀事本末

自立於南京僞號弘光史可法督師江北

號上刪僞字
史上增命字

○按福王自立南都其事原等餘分閭位故所紀之
元稱爲僞號我皇上大公爲量特命附書輯覽綱目
之末用以昭垂萬世故號上刪僞字

瑞王常浩傳有三王並封之旨○按三王並封之命在
萬厯二十二年輔臣王錫爵密疏以建儲請乃有是
命見明史紀事本末

督臣洪承疇單騎裹甲出入萬山賊始敗遁○按陝賊
陷洵陽逼興安漢中震動道臣王在臺固守興安洪
承疇赴援城得全賊乃南破鳳縣入四川事在七年

明史紀事本末
正月見明史紀事本末

惠王常潤傳巡按御史劉熙祚遣人護三王入廣西○
按獻忠襲陷衡州遣兵追三王至永州熙祚以水師
禦之乃得入粵見明史紀事本末

桂王常瀛傳遣兵部侍郎林佳鼎討聿鏘○按是時佳
鼎與廣州將陳際泰戰於三水際泰敗旣與林察戰
於海口全軍俱沒佳鼎死之見明史紀事本末

土舍覃鳴珂作亂大掠城中矢及由榔舟○按覃鳴珂
與守道龍友明相攻遂陷柳州由榔走象州見明史
紀事本末

由榔走梧州○按由榔奔梧州時留馬吉翔李元允守

肇慶見明史紀事本末

八年三月遣兵來衛殺嚴起恆等○按八年可望遣賀九義等赴南寧索沮秦封者遂殺起恆及督師尙書楊鼎和科臣劉堯珍又吳霖張載述亦嘗劾主秦封者并殺之見明史紀事本末

由榔故遲行○按可望遣白文選促由榔移黔文選素惡可望所爲因以情告由榔乃得遲行見明史紀事本末

別將守七星關○按是時定國所遣守七星關者爲白文選見明史紀事本末

二月緬以四舟來迎○按是年二月定國令總兵靳統

武率兵護由榔至銅壁關統武去仍歸定國見明史
紀事本末

謀奉由榔走戶獵二河

獵改臘

○按戶臘訛戶獵據一統

志改

定王慈炯傳不知所終○按京師陷時自成羈太子二
王於宮中皆不屈及賊出奔時挾之去不知所終見
明史紀事本末

贊

有明諸藩

至

豈太祖眾建屏藩初計哉

改封建之不可行於後世也信

矣明太祖建立親藩大封諸子方謂枝葉相維根本
益固乃一傳而有燕王之變篡奪之禍起不旋踵厥
後高煦宸豪逆謀屢動非所謂最强則最先反者歟
中葉以來矯枉過正防閑之峻至於二王不得相見

省墓請而後許識者譏焉降及末季盜賊充斥社稷在於呼吸而起兵勤王者且援祖制以罪之諸王之據名城擁厚資束手就戮所在皆是其能資捍禦者誰耶維屏維翰之謂何吁亦可鑒已

列傳第九 公主

曹國長公主傳貞攜子文忠避兵依太祖於滁陽○按貞攜文忠赴滁帝詢其生計對曰苦漁稅後三年蠲河西數郡漁稅以貞故也見識大錄

臨安公主傳祺已前卒主至永樂十九年薨改祺與主徙江浦祺

於永樂元年卒主至永樂十九年薨

○按帝誅善長後祺與主徙江浦

久之卒見明實錄善長傳同又王世貞高帝功臣表亦云祺於永樂元年卒此云祺已前卒誤

大名公主傳堅武涉人涉改

堅有才勇○按洪武中堅與駙馬梅殷歐陽倫陸賢等振北平見鄭曉異姓諸侯傳

福清公主傳鳳翔侯龍子也○按龍濠州人洪武十二年以都督僉事從平西番論功封侯十七年從平雲南加祿五百石世襲三十年薨見高帝功臣表

江都公主傳會炳文罷歸○按是時炳文以二十萬眾敗於滹沱河惠帝召還以李景隆代之見異姓諸侯傳所云炳文罷歸卽指此

坐罪死○按異姓諸侯傳璿弟獻後軍都督僉事瑄尙寶卿永樂初皆坐罪死

安成公主傳下嫁宋琥西寧侯晟子也○按王世貞明

盛事迹西寧侯晟子琥瑛一時尙公主拜駙馬都尉
相繼嗣父爵挂平羌將軍印鎮守甘肅又按何喬遠
勲封記亦云宣德六年琥嗣侯洪熙元年奪侯與瑛
是琥固先襲侯也

常寧公主傳下嫁沐昕西平侯英子○按昕爲英少子
累掌南京都督府以壽考終見明世法錄

嘉興公主傳源死土木之難○按源以土木死事景泰
初贈鉅鹿侯見明實錄

重慶公主傳下嫁周景○按景鴻臚寺卿周顥子景尙
主後詔顯遷一官帶俸不任事見明異典述

嘉善公主傳下嫁王增兵部尙書驥孫也○按王增考

明史紀事本末
驥本傳作王添何喬遠勳封記及王世貞功臣表皆作添添與增音異義同未知孰是

漳安公主傳趣獄卒考掠之瑾乃服罪○按訊瑾時震使人批瑾頰曰公卿朝廷所用何由汝抑汝何藏甲也瑾曰以衛上震曰何藏之私室瑾語塞獄乃具見明史紀事本末

崇德公主傳興濟伯善孫也○按善大興人以右都御史迎駕南宮天順元年封卒贈侯子宗嗣成化元年予世錦衣衛同知見勳封記

仁和公主傳下嫁齊世美

美改英

○按明實錄作齊世英

此作美誤又按世英爲尙寶卿齊祐子世英尙主後

詔佑遷一官不任事見明異典述

永康公主傳嘉靖二十八年卒○按元子驥徵爲錦衣指揮早卒無後見王世貞恩澤公侯表

永福公主傳嘗奉旨直西苑撰元文○按嘉靖時如駙馬都尉崔元皆賜居直廬撰擬醮詞賞無虛日見明

異典述

俱行釐祝禮

釐祝改祝釐

榮昌公主傳久之主薨○按榮昌公主順治元年七月蒙恩旨賞賜贍田因率其子前軍都督府帶俸都督僉事楊光益孫錦衣衛帶俸都指揮使楊慶餘楊廕餘具本謝恩列銜尙稱榮昌大長公主則此所謂久

之主薨者殊失實但究不知以何時薨茲恭照順治年間紅本詳識而仍其舊

寧德公主傳下嫁劉有福○按寧德公主名徽妍順治元年六月賜南城宣北坊房一所二年七月錫銀百兩地二百恭照順治年間劉有光及公主謝恩紅本附識

長平公主傳帝選周顯尙主

周下增世字

○按周顯恭閱紅

本作周世顯吳偉業集所載亦同

以寇警暫停

警下刪暫字

踰年病卒○按周世顯太僕寺卿周大成子長平公主以順治三年八月卒傳所載未晰恭照順治年間紅

本附識

列傳第十

郭子興傳始子興同起事者孫德崖等四人與子興而
五○按與子興同起事者除孫德崖外尙有三人考
明實錄但稱俞某魯某潘某而不著其名蓋以其無
足傳耳王鴻緒明史稿遂訛作一人

元師破徐州破改復○按托克托復徐州在至正十二年

九月見元史順帝紀蓋卽子興起兵之本年也

韓林兒傳遵道文郁爲丞相遵上增以字

劉六者六下刪者字

是年六月福通帥眾攻汴梁○按劉福通攻汴梁薛應

旂續通鑑載在至正十七年八月與此互異考元順
帝紀載六月福通犯汴梁八月陷大名衛輝路當以
元史爲正

遂入鳳翔

入改圍

是年五月大發秦晉之師會汴城下○按察罕特穆爾
克汴續通鑑載在至正十九年八月與此互異當是
發兵在五月耳

又二年林兒卒○按林兒之卒續通鑑載在至正二十
六年十二月明祖之稱吳王在至正二十四年其中
止閒一年此云又二年蓋謂稱王之又次年也

列傳第十一

陳友諒傳至正十一年九月陷蘄水及黃州路敗元威
順王遂卽蘄水爲都稱皇帝○按徐壽輝陷蘄水及
黃州路續通鑑載在至正十一年五月其稱帝在十
月元史順帝紀則陷黃州在九月稱帝在十月蓋分
紀與總敘不無互異也

二十五年

二上增至
正二字

○按上文敘至正十一年十七年

後書洪武五年此月敘熊天瑞事維時明祖已自稱
吳王所云二十五年乃至正紀年也

張士誠傳元以萬戶告身招之不受給殺李齊○按續
通鑑士誠僭帝號在至正十三年五月維時李齊先
往招降被留已而賊酋自相猜乃縱齊歸既有詔赦

之賊詭云李齊至乃降行省復強之往遂被害所云萬戶告身當卽赦也

幽達識帖睦邇於嘉興○按達識帖睦邇卽達什特穆爾被幽遂飲鴆卒見元史本傳

樗蒲蹴鞠

樗蒲改樗蒲

○按集韻樗抽居切音攄惡木也蒲

薄胡切水草也故從木從彡若樗蒲戲也皆從才見晉書陶侃傳

士誠數以兵攻常州江陰建德長興諸全○按諸全州元時郡縣無此名地理志載太祖己亥正月改諸暨州爲諸全州至丙午年十二月降爲縣仍名諸暨考己亥爲元至正十九年丙午爲二十六年士誠於二

十七年被禽則其侵掠正在己亥丙午之間故傳稱諸全也

方國珍傳乃遣大司農達識帖睦邇招之降○按元史本傳達什特穆爾於至正八年拜大司農九年出爲湖廣行省其招降方國珍在官行省時此云大司農是尙稱前官也

且遣次子關爲質○按次子關爲質續通鑑作次子明完考國珍三子明完當卽關字觀傳末關弟行字明敏可見

進克温州平南將軍湯和以大軍長驅抵慶元○按明兵克温州在至正二十七年九月下慶元在十二月

此類書於九月之後蓋總敘也

若來得毋晚乎

晚上增太字

授廣州西行省左丞

廣下刪州字

○按明實錄作廣西行省

左丞此衍州字

除留守經歷

守下增司字

○按職官志有留守司掌中都興

都防護之事其屬則經歷司經歷洪武二年設無所謂留守經歷也

坐累死○按詹鼎之坐累傳未明言明實錄亦不載惟朱國楨開國臣傳稱鼎因大都督府除軍吏受賂事發誣其有贓鼎言在留守衛時所養孤甥來省恐有之鼎實不知卒坐誅據此則鼎之贓罪或誣或實皆

未可知傳故不詳其事

明王珍傳以二十二年春僭卽皇帝位於重慶

二十二年改二

十三年

○按明王珍稱王在至正二十二年五月其稱

帝在二十三年正月續通鑑及元史順帝紀皆同此作二十二年誤

分道攻雲南○按明王珍攻雲南續通鑑及元史順帝紀載在至正二十二年三月其明年王珍乃稱帝此紀在稱帝之明年互異

王挾大理兵擊勝勝以孤軍無繼引還○按萬勝卽明二之本名續通鑑稱梁王以大理軍還擊禽其弟明二元史順帝紀亦同此云引還梁王傳又作敗還以

下文萬勝爲左右丞相證之當是續通鑑之誤或當時有兩萬勝耶

今足下疆場

場改

○按正韻場移籍切說文云大界曰

疆小界曰場又邊境也場直良切說文云祭神道也又收禾圃曰場是場與場音義各別

明史攷證攬逸卷三

長洲王頌蔚編集

列傳第十二

擴廓帖木兒傳詔削孛羅官

至

殺丞相搠思監○按元

史順帝紀孛羅知詔令削奪皆丞相搠思監所爲因
令禿堅舉兵犯闕朝廷遣兵拒之不勝乃執搠思監
及宦官布木布哈與之未嘗云殺也續通鑑所載同
搠思監本傳則云爲其下所殺是當時亦未殺之也
此云孛羅舉兵反蓋重其主謀之罪而殺搠思監則
從本傳總敘其始末

禿堅知樞密院

禿堅改圖沁

○按圖沁原文作禿堅續通鑑

及元史俱作禿堅帖木兒元人名字多有以帖木耳爲號者此與別項省文有閒凡若此者俱照原文僅改上二字曾於卷一擴廓帖木兒一條加按聲明謹畫一改

頤蔚按卷一擴廓帖木兒一條當是本紀之考證今逸

廷臣譁言擴廓受命平江淮至及貊高奏至○按是時擴廓與思齊等連兵元順帝下詔和解擴廓殺詔使拒命見何喬遠名山藏據此則擴廓不得謂無叛跡貊高之罪狀於朝蓋因此

於是順帝下詔盡削擴廓官爵○按元史順帝紀削擴廓官爵在至正二十七年八月因貊高之奏也至十月復詔統領職事如故二十八年二月又詔李思齊

等進討閏七月擴廓禽獠高等使人聞於朝順帝不得已令誅之未幾又復河南王爵至八月而明兵入大都矣是一歲之間再削再復傳總敘爲一尙未明晰

思道走寧夏○按思道爲擴廓所禽在洪武二年三月見徐達傳此但云走寧夏而未載被禽互異

踰年太祖復遣大將軍徐達至分道出塞取擴廓○按本紀嶺北之戰在洪武五年正月上文旣稱洪武三年則此處當云五年不得以踰年槩之轉似四年事也

陳友定傳太祖旣定婺州至友定侵處州○按明祖定

明史紀事本末卷之三
婺州在至正十八年十二月友定之侵處州在二十五年二月見本紀其間相距八年非同時事傳特統紀之耳

將軍胡廷美何文輝由江西趨杉關

美改瑞下同

○按本紀

至正二十七年十月命胡廷瑞等取福建續通鑑同考本傳廷瑞後改名美非廷美也此誤

梁王把弔刺瓦爾密傳至正二十九年

九改

○按明玉

珍僭號在至正二十三年考元順帝以二十八年閏八月北去安得有二十九年之稱謹據元史及續通鑑改

歲遣使自塞外達元帝行在執臣節如故未幾明師平

四川執臣節如故未幾改不少懈洪武四年○按梁王乃元之宗藩有

與國同休戚之義非如唐時藩鎮可以執臣節概之也又按王禕使雲南乃洪武五年事見明實錄此既未列洪武年號於前則下文敘明年王禕齎詔往諭事殊欠明晰

贊

方谷珍死谷改國

梁王恥爲納哈出之背國○按納哈出爲明邊患最久傳云背國蓋指其爲太平萬戶時曾降明不若梁王之始終守土也

列傳第十三

史記卷三
三
徐達傳尋從破元兵於滁州澗○按本紀云夜襲元將張知院於橫澗山又云攻滁州下之此作徐達從破元兵於滁州澗似合兩事爲一疑有脫訛

繼克寧國○按本紀書至正十七年四月丁卯自將克寧國取之而傳以克寧國爲徐達事不似太祖自將而達從之書法與紀互異

郭子興軍婁門○按興一名子興封鞏昌侯非滁陽王郭子興也

列傳第十四

李文忠傳年十二而母死○按文忠母歿之年此作十二與焦竑獻徵錄合惟開國臣傳稱文忠來歸時年

十五公主薨已二年是文忠十三歲時公主乃歿史
文小異無憑折衷

獲將校六百

六改七

○按開國臣傳及獻徵錄俱作獲將

校七百此作六百當誤

攻張掖門垂破○按張掖門瞿能傳亦載之但考遼金
元明四史地理志及春明夢餘錄日下舊聞均無此
門名惟金史燕京西門有名彰義者雖由元至明已
非其舊或當時猶沿襲其名而方言土語音轉多譌
遂呼爲張掖耳

鄧愈傳其明年友諒眾六十萬入寇○按開國臣傳作
五十萬傳維鱗明書與此同

鄧克明之弟志清據永豐○按獻徵錄開國臣傳俱以據永豐者爲鄧青與此異

湯和傳十八年思州蠻叛以征虜將軍從楚王討平之俘獲四萬○按開國臣傳和從楚王討平古州蠻不作思州又考獻徵錄十八年五開山獠爲亂王帥師討平之俘戮四萬人亦卽其事也此作思州不知何據

沐英傳鈔五百錠○按開國臣傳作鈔五千錠獻徵錄作鈔二萬五千貫陳金三家世典作七萬五千貫當時傳聞異辭殆各就所見書之不及詳考耳

列傳第十五

李善長傳太祖得巢湖水師善長力贊渡江○按明太祖欲謀渡江善長曰我兵眾食少舟楫不備不足以爭江左利姑少俟之巢湖將廖永安俞通海等以舟師萬餘糧數萬石請附善長乃說太祖曰天贊我也渡江此其時矣遂破蠻子海牙兵而拔采石見明實錄

嘗請權兩淮鹽立茶法○按太祖初起兵卽立鹽法置局設官令商人販鬻二十取一以資軍餉旣而倍征之後五年始置兩淮鹽官茶則令商於產茶地買茶請引引茶百斤輸錢二百不及引曰畸零片置由帖給之卽位後皆本初制釐定見明會典及食貨志

既復制錢法開鐵冶定魚稅

魚改

○按太祖初置寶源

局於應天鑄大中通寶錢與歷代錢兼行以四百文爲一貫四文爲一錢及克隆興路改爲洪都府置錢局三所頒大中通寶錢大小五等錢式鐵冶先開於湖廣而漁稅則終明一代隸河泊所惟設於大河以南見明會典及食貨志

與中丞劉基爭法而詢基不自安請告歸○按洪武元年太祖幸汴使善長與劉基居守中書省都事李彬坐貪縱抵罪善長素暱之請緩其獄基不聽馳奏報可方祈雨卽斬之由是忤善長譖基太祖知之賜善長手敕責之削祿一千四百石見明實錄

以臨安公主歸其子祺

改以其子祺
尙臨安公主

十三年惟庸謀反伏誅坐黨死者甚眾善長如故○按
惟庸伏誅後羣臣請罪及善長上曰此吾初起時股
肱心腹其勿問見雷禮列卿記

虞部郎中王國用上言○按國用所上疏係解縉所作
見解縉春雨堂稿

汪廣洋傳召廣洋爲右丞至憲誅召還○按是時李善
長奏憲排陷大臣放肆爲姦上命按治憲伏誅見列
卿記

御史劾廣洋奉母無狀○按劾廣洋御史爲劉炳見明
實錄

遂以廣洋爲右丞相參政○按廣洋以洪武七年八月加祿至一千九百石見明實錄

帝追怒其在江西曲庇文正在中書不發楊憲姦○按洪武十二年九月占城來貢省臣不以聞帝尋知之切責省臣廣洋等謝罪至涂節言劉基事因以朋欺賜廣洋死蓋厯積前釁非但飭中所云曲庇文正不發楊憲姦已也明年正月涂節卽上胡惟庸變迨二十三年李善長得罪而廣洋家屬遂並坐胡黨下獄見明實錄及胡惟庸等傳

與姦人同位而不能去故及於禍去改
翦除○按廣洋身居股肱浮沈守位不能舉發姦欺深辜倚任此咎其不

能去似徒以獨善其身責之殊未協

列傳第十六

劉基傳執政以方氏故抑之○按開國臣傳及明書均稱經略使李國鳳右方氏僅以儒學資遷基爲總管府判奪其兵權明功臣封爵考亦云李國鳳奏授基爲處州總管府判史獨言執政抑之似非李國鳳意者考項篤壽今獻備遺及黃伯生所撰基行狀亦與史同或當時李國鳳承執政指爲之遂以爲抑於執政耶

基獨不拜曰牧豎耳奉之何爲○按沈夢熊明相業軍功考云諸將義於中書省設御座奉韓林兒行慶賀

禮基從後踢上所坐胡牀上悟乃止不載基倡言事
與史文異

其龍興守將胡美遣子通款○按美遣鄭仁傑請降見
美本傳獻徵錄今獻備遺明相業軍功考均同此獨
言遣子通款未知何據

基喪母值兵事未敢言至是請還葬○按基聞母喪一
事明功臣封爵考開國臣傳及明書均稱基告歸上
固留不得行至是始歸其說較長

國珍素畏基致書唁基答書宣示太祖盛德國珍遂入
貢○按國珍致書唁基開國臣傳明功臣封爵考今
獻備遺獻徵錄明書均稱國珍致書加幣基白於上

上使受而答之因騰書宣示方氏遂入貢史不載白
之上一節似基自作書答之者非人臣不外交義也
時湖中相持三日未決○按明兵與漢軍相持三日未
決明相業軍功考作相持五晝夜與此互異

初定處州稅糧

至

惟青田命毋加○按章溢奏定處州

稅額考獻徵錄明功臣封爵考今獻備遺名臣言行
錄均云比宋畝加五合惟青田止科五合雖似與史
文小異大意謂宋時每畝止科五合今則加之惟青
田仍舊耳

劉基附傳數上封事

至

坐罪論死○按開國臣傳稱世

延以封事見格而怒因縱其下奪民田詔勒回籍不

明史紀事本末卷三
肅聽至萬厯三十四年下南京刑部獄死蓋其縱恣取之也

谷王就封擢爲左長史○按開國臣傳作右長史明功臣封爵考祇稱長史

宣德二年授貊刑部照磨○按開國臣傳作宣德三年宋濂傳入龍門山著書踰十餘年○按浙江通志義烏縣祇有龍門山無小龍門山考名臣言行錄今獻備遺諸書均與史同惟開國臣傳明書及王禕所撰濂傳獨云小龍門山而於傳後贊內則又稱爲龍門山蓋當時各以意名之故卽禕一人所撰之文亦不免前後互異耳

嘗召講春秋左氏傳

至

乙巳三月乞歸省○按明書云

洪武壬寅召濂講春秋是年歸省甲辰進講尙書又
明年以疾還家開國臣傳亦同是歸省在進講尙書
之前不在乙巳年乙巳年乃以疾還家非歸省也

四川巡撫馬俊奏

至

乞加恤錄○按開國臣傳弘治五

年四川巡撫邢表奏乞加濂諡九年巡撫賈俊又言
之明書所載同此作馬俊當誤

葉琛傳王師下處州琛避建寧以薦徵至應天○按明
書云明兵下處州琛謂其下曰金陵必成大事遂來
降嗣因孫炎招致胡大海送建康遂同劉基等入見
不言走建寧也此作先避而後應聘或別有所據邪

章溢傳會浙東按察使宋思顏孔克仁等

會下增河南二字

○

按開國臣傳作河南按察使宋思顏浙東按察使孔

克仁今獻備遺獻徵錄同

以職事被逮

刪職字

太祖遣太史令劉基諭之曰

刪之字

章溢附傳積功授處州衛指揮副使○按職官志指揮副使秩正四品指揮同知秩從三品存道之授處州衛也開國臣傳明書均作同知惟名世類苑獻徵錄作副使與史同但以下轉左衛指揮同知之文觀之當是同階而轉非越級也此云副使恐誤

明史攷證攬逸卷三

明史攷證攬逸卷四

長洲王頌蔚編集

列傳第十七

馮勝傳趨潼關守將宵遁遂奪關○按本紀書元年四月馮勝克潼關李思齊張思道遁此言守將宵遁而未書其名

命勝爲征虜大將軍○按開國臣傳云十八年拜勝大將軍傅友德藍玉副之諸公侯皆從以星變召還十九年冬再諭出師乃北伐史敘事稍略

勝之壻常茂在坐遽起砍其臂○按識大錄明書茂部將趙指揮習蒙古語聞納哈出言知其謀以告茂茂

遽起砍之史不詳敘似茂無故激變者

傅友德傳破張士誠援兵於馬騾港

騾改

○按淮安府

志作馬邏港

還下保定真定○按本紀書元年九月常遇春下保定遂下真定而不書傅友德蓋友德隸遇春下紀但書主將傳乃分敘各將功績體自不同耳

其年秋充征南將軍帥左副將軍藍玉右副將軍沐英將步騎三十萬征雲南○按明書開國臣傳皆云友德征雲南太祖親餞龍江授以方略其遣將趨險所至有功皆稟廟謨也功成不驕歸功於上實因太祖前後所降璽書數十懸斷萬里之外委曲中窾故耳

此直敘其事似友德獨斷成功不由廟算者稍嫌闕略

又明年賜死○按友德之死開國臣傳明書皆云藍玉敗友德以功名內懼會冬宴從者徹饌不盡一蔬太祖責不敬且曰召爾二子來友德出衛士誤傳太祖語曰攜其首至頃之友德提二子首以入太祖驚曰何遽爾忍人也友德出匕首袖中曰不過欲得吾父子頭耳因自刎他書俱云暴卒史亦不詳原委

廖永忠傳陳友諒犯龍江大呼突陣諸軍從其後大敗之○按獻徵錄永忠於敗友諒之後卽陞同知僉院開國臣傳亦同

永忠已破其六寨

陸六改

○按永忠攻瞿塘水陸並進其

得功在以舟師張聲勢而青蓑衣諸將士偷度崖石者乃專攻陸寨之兵也是以蜀人始覺而陸寨已破矣獻徵錄開國臣傳皆作陸此作六誤

楊璟傳執平章也兒吉尼

執下增元字

○按明史書法大抵

於元將之在漠北者直書某官某人不冠元字其在內地者則加元字於上以爲區別如本卷禽元右丞賈成於猗氏禽元平章蔡琳於略陽未易枚舉也此處禽平章也兒吉尼係在廣西境應照前例增元字

璟甫入

璟下刪甫字

從湯和伐夏戰於瞿塘

夏改蜀

○按璟從湯和伐蜀係洪

武四年事見和傳獻徵錄同此作夏誤

胡美傳守將曹復疇亦降○按曹復疇獻徵錄作曹俊疇胡美後所遣招諭未附諸州縣之降將卽此人也
列傳第十八

吳良傳八年帝北征班師高稱疾不朝被劾廢爲庶人
○按功臣表吳高以永樂十二年十月以罪免此云
八年被劾廢爲庶人與表不合考永樂八年十二年
俱有北征班師事史或因此而互異耳

康茂才傳擣淮安馬驛港

驛改
邏

是年復從大將軍征定西

是改
三

諡武康○按茂才諡法開國臣傳明書識大錄作武襄

宋濂所撰神道碑作武義無作武康者惟明史紀事
本末與此同

督民墾田鳳陽帥兵征辰州蠻

督上增八年二字
征上刪帥兵二字

丁德興傳從取洪山寨○按德興取洪山寨以前先授
萬戶見明書識大錄開國臣傳諸書

耿炳文傳張士誠左丞潘元明○按明功臣封爵考及
開國臣傳均作潘原明不作元明與此小異

扈駕北巡○按炳文於洪武初年授鎮國上將軍兼右
率府副使獻徵錄開國臣傳所載皆同乃從北征時
也史略其官

尋拜秦王左相都督僉事○按炳文拜秦王左相時仍

兼陝西行省右丞見獻徵錄開國臣傳此云都督僉事或別有所據

郭英傳征陳友諒戰鄱陽湖皆與有功○按鄱陽之戰友諒中矢死有言郭英功者太祖問之謙不敢當太祖益重之考開國臣傳識大錄及楊榮所撰神道碑皆以此事爲英大節此獨略而不書

克登寧州○按識大錄開國臣傳英於洪武庚戌克登寧州後卽陞本衛指揮使賜金龍衣一襲次年辛亥始陞河南衛都指揮使

乃命諸戚里大臣議其罪

命下刪諸字

靖難後

改燕王卽位

華雲龍傳攻下雲州

攻下改克

獲平章火兒忽答

獲下增元字

韓政傳子勳襲○按獻徵錄政子英爲散騎舍人開國臣傳及明書識大錄所載皆同此獨云子勳襲坐藍黨誅未知何據

仇成傳子正襲爵○按明書成子泰襲爵永樂中爵除考明功臣封爵考亦作泰不作正

張龍傳傑子嗣○按明書作傑子綱明功臣封爵考同史作傑子嗣彼此互異

吳復附傳從沐英討西番朶甘功多師還封雄武侯祿二千石

功多師還改以功千下增五百二字

○按明書作食祿二千五

百石明功臣封爵考同

二十三年卒○按功臣表周武卒子興襲指揮同知

張赫傳封航海侯

下加食祿二千石五字

○按明史列傳書法凡

身在封爵及歿後襲封者均書封某爵食祿若干石
世券予則書不予則不書考明功臣封爵考赫封航海侯食祿二千石予世券此獨略其食祿之數與他傳不符

列傳第十九

郭興傳三年爲秦王武傳○按職官志洪武三年置王相府有文武相有文武傳武傳之名蓋始於此

王志傳臨淮人○按臨淮卽濠州屬縣明功臣封爵考

明書開國臣傳皆以志爲濠人此作臨淮人文法小異非舛訛也

明年坐事謫安南衛指揮使○按志子威所坐之事開國臣傳明功臣封爵考均以爲坐林來保事

梅思祖傳與平章潘元明同守雲南○按他書均作潘原明

費聚傳五河人○按明功臣封爵考及明書均作濠人史作五河人未知何據

竟坐黨死○按明功臣封爵考平涼侯費聚雖坐胡黨後竟得釋此作坐黨死或別有所據耶

陸聚傳坐胡惟庸黨死○按開國臣傳陸聚旣坐胡惟

庸黨太祖念其爲姦人所誘宥之尋卒此併其文似與諸黨人同矣

黃彬傳坐胡惟庸黨死○按彬坐胡惟庸黨事明功臣封爵考載其平日未嘗有過太祖念而宥之居數年卒史牽連書死不知何據

列傳第二十

周德興傳蜀平論功○按德興於平蜀後有代俞通源督田鳳陽之役明功臣封爵考開國臣傳明書所載並同

決荆山嶽山壩以溉田

荆山改
荆州

王弼傳遇春拊弼臂曰

臂改
背

○按開國臣傳作背

李新傳濠州人

濠州下刪

○按明史祇稱濠人

克平江

克上增從字

列傳第二十一

廖永安傳再戰再破元兵○按本紀太祖以元至正十

五年五月由巢湖乘漲擊蠻子海牙兵於峪谿口大

敗之遂定渡江之計此所謂再戰再破元兵蓋指此

太祖急揮甲士鼓勇以登

改太祖揮常遇春先登

○按牛渚之戰

太祖援旗麾之常遇春應聲先登爲明代開國第一

功永安不過在行閒耳此作急揮甲士鼓勇以登敘

次未晰

永安被囚凡八年竟死於吳○按永安以元至正十八

年戊戌十月被執迄至正二十六年丙午卒於吳總計九年見開國臣傳此作八年互異

俞通海傳親往拔其軍

拔改撫

○按本紀元至正十五年

五月明太祖欲渡江無舟會巢湖帥廖永安俞通海等以水軍來附乃大喜往撫其眾據此則是收而降之非攻拔之也此稱拔其軍未合

從克寧國下水陽○按江南通志寧國路有鎮名水陽明實錄載至正丁酉取宣城通海與趙賊乘勝趣水陽下之當是當時屯兵之地

通海乘風縱火焚其舟二十餘○按本紀載康郎山之戰通海以火礮焚其舟數十此云乘風縱火互異

俞通海附傳淵以父兄故○按俞淵明實錄作通淵開國臣傳及明史稿並同此稱俞淵不知何據

胡大海傳進樞密院判官○按劉辰國初事蹟云太祖得嚴州用義子保兒守之又載批示郭彥仁云保指揮我之親男胡大海我之心腹前者聞二人不和必於我男處丁寧說知將胡院判以真心待之節制以守之據此則胡大海進樞密院判後嘗與保兒守嚴州矣

陳友諒寇龍江

江改灣

○按本紀元至正二十年明祖令

康茂才以書誘陳友諒速來於是友諒至龍灣維時張德勝以舟師出龍江關爲備禦則是寇龍灣非龍

江也

耿再成傳大罵不絕口死○按明實錄與再成同時被難者尙有都事孫炎知府王道同元帥朱文綱

張德勝傳友諒犯龍江

江改灣

養子興祖嗣職○按明實錄興祖初襲職改姓名曰張同至後復姓汪乃稱興祖

張德勝附傳與大將軍會師德州○按本紀北伐之役徐達會諸將兵於臨清水陸並進於是常遇春克德州合兵克通州考之徐常二傳亦同此云與達會師德州與紀傳互異

兼山西行都督府僉事

僉事改同知

○按明實錄洪武三年

六月以興祖爲晉王武傳兼山西行都督府同知非
僉事也

趙德勝傳陳友諒犯龍江

江改灣

○按龍江當作龍灣下

文龍江乃關名明本紀所稱命張德勝等以舟師出
龍江關是也

時七月己丑也○按明祖與友諒戰鄱陽自七月癸未
始至己丑已歷七日本紀稱諸將舟小仰攻皆有怖
色至斬退縮者十餘人卽是日也

兆先者

至

越四日

改韓成子觀至都督別有傳兆先者

堃先從子旣被禽太祖以其兵備宿

衛感帝大度効死力至是戰死越三日

○按韓成子觀二語應卽敘於

韓成戰歿之下文氣方貫且合傳文互見之體又按

己丑至辛卯中間只隔一日原作越四日亦誤

桑世傑傳及大兵旣取江陰

大上刪及字

太祖命永安及世傑擊之

永上增廖字

○按凡列傳之體一

篇中如前已標其名則後可從省文僅稱其名曰某此係敘世傑事兼及廖永安前固未見也應全舉姓名爲是曹良臣傳中徐達增徐字李文忠增李字俱仿此

胡深傳戊戌十二月太祖親征婺州○按戊戌爲元至正十八年胡大海已久攻婺州不下至是明祖乃親征見本紀及明實錄

遂遇害○按深被難在太祖稱吳王之明年蓋元至正

明史四
九
二十五年六月也見本紀及明實錄

曹良臣傳復從大將軍達擊擴廓帖木兒於定西

達上增徐

字

從副將軍文忠北征

文上增李字

贊

終罹黨籍者

黨籍改姦黨

○按胡藍之獄當時雖不免株連

然由於自取者過半非東漢黨禍北宋黨籍比原文終罹黨籍四字未爲允協

列傳第二十二

何文輝傳復以參將從傅友德等平蜀○按傅友德等伐蜀在洪武四年見明實錄傳文總敘故從三年下

類言之

何文輝附傳命助元帥常遇春守婺

助上刪命字

○按本紀

未載命遇春守婺事蓋其時守者胡大海也見大海本傳乃遇春傳又云守婺攻衢州考明師下婺州在元至正十八年十二月克衢州在次年九月或是暫守而後仍屬之大海耳

洪武元年從副將軍李文忠北征

元改二

○按洪武元年

初定元都未嘗北征其禽宗王慶生乃常遇春克開平時事蓋在洪武二年六月副之者李文忠也見本紀及遇春傳

繆大亨傳降青軍元帥張明鑑

明鑑俱改作鑑

明史四
十
大亨言於太祖賊饑困

祖下增曰字賊下增方字

蔡遷傳敗陳友諒於龍江

江改

敗友諒八陣指揮於壽昌

壽改

○按孫興祖傳載其爲

統軍元帥時破瑞昌八陣營此云八陣指揮卽其事也考是時友諒據有江西湖廣地故立營瑞昌以防明兵此作壽昌誤

花茂傳東莞筍岡諸縣○按廣東通志無筍岡縣明實錄亦不載茂疏惟洪武二十六年廣東都指揮使有誅東莞寇何迪事稱迪伏眾海島殺官軍或卽其所遁逃之地要之海島俗名非設縣置鎮之處也諸縣二字當誤

明史攷證攬逸卷四